

BE.359. SAI HEHE MA TUHANTA I (Eb=1)

=====

B.E. 359. SAI HEHE MA TUHANTA I

1. Sai hehe ma Tuhanta i Mambaen hohom musuNa i. Maporus di joloNa
Sobokkon timus lao sude Malala, songar, pantis pe Niombus ni hosaNa
Ai na mangalo Tuhan i, I ma sude parjahat i Lao do luhutna
Pamereng ni Jahowa i Na manorusi sasude I do paserakhonsa.

2. Alai marlasniroha ma Partigor i di Debata Huhut marhasonangan
Marolopolop ma sude Girgir mamujimuji be Marroha hatorangan
Endehon Debatanta i Sai puji ma goarNa i Pasangap ma Ibana
Patigor ma dalanna i Na sian halongonan i Tuhanta do Ibana

3. Manungkap be ma hita on Mamuji Debata tongtong Dibaen denggan basaNa
Taporsan pe na dokdok i Tuhanta siampehon i Do mangurupi hita
Nda pujionta goar ni Nampuna hatuaon i Jahowa Debatanta ?
Ai ro pe hagogotan i Nang songgop hamatean pe Sai dipalua hita.

4. O Israel, Debatami Do mangalehon gogomi Dibaen asi rohana
O Debata di bangsoMi Pahot na pinatupaMi Tambai hagogoonna
Ai sian i tandaon ni Na manggomgomi bangso i, O Debata sangapMu
Dung i sai ro ma sasude Mamboan tu joroM muse Jahowa, peleanMu.

5. Songkal do Debatanta i Ro sian ingananNa i Na marhabadiaon
Ibana do Debata ni BangsoNa, hinophopNa i Silehon hagogoon
Tutu, Holong rohaNa i Di nasa na porsea i Ditatap do bangsoNa
Antong sai tapasangap ma Na sasadasa Debata Tapuji ma goarNa.